

T 7971/7940(17)

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JAN 22 1965

圖像本草蒙筌卷之八

哈佛大學漢和  
圖書館珍藏印

新安陳嘉謨廷采纂輯

門生

歙邑葉棐

鮑倚

校刊

婿胡一貫

姪晨

潭陽後學劉孔敦

若樸

增補

石部

玉屑

味甘氣平。一云味鹹氣寒無毒。為世珍寶。多產藍田。

在長安東南

顏色五般。書傳詳載。黑者如純漆。赤者如鷄冠。白類截肪。黃若蒸

栗。惟青玉無說其質溫潤而澤。其音清越而長。叩之即鳴。自異群石。王

工雕琢。屑落如麻。凡人劑中。色貴純白。他色不用研絕細。免致淋壅。說

餌玉當以消作水者為佳。研粉未終使人淋壅。惡鹿角。母相和攪。解渴咽喉。除熱胃腕。潤

心。神明目。滋毛髮。滅癥助音聲。定喘息。久服勿已。耐老輕身。○又

有玉泉。乃玉泉液。僊室池中者為上。此最難得以法消成者亦佳。玉可為鳥


米酒或苦酒地榆酒消之為水亦可葱漿水消之為粘一法玉屑一升地榆草稻米各一升取白露二升同置銅器中煮米熟玉屑化為水絞取是玉精華色甚明徹療百病尤妙惡款冬須知強骨柔筋安魂定魄長肌肉益氣耐寒暑延年人臨死嚙下五斤屍三年不致朽爛○玉井水出有玉處所常服者亦獲壽長生

謹按先哲云玉之所以異于群石者以其堅而有理火刃不可傷為別耳匪但質潤而音清也苟弗精知則近似者甚多如砒砒亦可以雜也書曰燕石入筭卞氏長號其以此夫又云凡石韞玉但夜將石映燈看之內有紅光明如初出日者便知有玉卞和朋足以不鑿也其色五般今惟青白者常有黑者時有黃赤者絕無雖禮之六器亦不能得其真況其他乎服餌之人必須屏居山林排棄嗜慾方獲効驗儻或酒色弗戒反致發熱自投於死蓋玉稟純陽之精而酒色助火甚速以火濟火安得不

玉石



玉屑



玉泉



然故本經註曰若未深解節度勿輕服之

瑪瑙

味辛氣寒無毒出日本國生玉石間種有三般紅黑而白佈

紋如纏絲者咸玳研木不見熱者纔真研木熱非真也土人得之碾為玩

器雖稱重寶亦入醫方辟惡精邪熨目赤爛○琉璃乃火成之物

赤目亦水浸熨之○玻璃即水精珠似玉極光瑩者安心明目每

著奇功夜向太陰可取真水火精取火向太陽取之用異名同○又種

珊瑚惟生海底海船沉鐵網掛取紅潤多枝柯參差長大丈餘短

小尺許。中多細孔。刺則汁流。以金投之為金漿。以玉投之為玉髓。得飲之者。可致長生。斷枝研成粉霜。點目拂去。麩醫吹鼻。塞血。鎮心止驚。仍治風癩。更主消渴。○琅玕亦海底生長。枝柯與珊瑚略同。船者欲求鐵網。必用出水紅潤。久旋變青。枝擊有金石聲。劑用堪煮汁服。殺錫毒。畏惟鷄骨。號青珠。古人以石之美者多謂之珠。廣雅謂琉璃珊瑚皆為珠。是也。宜得水銀。主皮膚浸淫死肌。去身體瘙癢。瘡疥。除石淋。且破惡血。起陰氣。可化為丹。○仍有瑛。瑛形如蚌蛤。外多紋理。亦出海中。得者珍藏。不忝玉石。安神鎮宅。解毒殺蟲。西域記曰。重堂殿梁楹。皆以七寶飾之。此其一也。

瑪瑙



青琅玕



珊瑚



丹砂

味甘。氣微寒。生餌無毒。鍊服殺人。出辰州。屬湖廣巒峒井中。本

所出殊砂多在結寮峒老鴉井得之。

在井圍青石壁內。土人欲覓多。聚乾柴。縱火滿井。焚之。致壁迸裂。始見有石床。如玉潔白。生砂塊。似血鮮紅。大類

芙蓉頭

有四五兩至十兩一塊者。

小若羽箭簇。

俗呼箭頭砂。

其甚小者。豆砂。米砂。作

墻壁。明徹為優。成顆粒。鹿藨略次。米砂下品。鐵屑常多。磁石引除。

染畫克用。一云火井者。不如水井力勝。

水井有砂者。其水盡赤。每有煙霞鬱蒸之氣。

新

井者。難及舊井。色深。凡治病邪。惟取優等。磁鉢搗細。清水淘勻。服

餌無憂。効驗自應。惡磁石。畏鹹水。經云。丹砂象火。色赤。主心。故能

鎮養心神。通調血脉。殺鬼崇精魅。掃疥癩瘡瘍。止渴除煩。安魂定魄。方士甚重。常多買求。謂能點化飛昇。每每燒鍊不絕。○依法煨

以磁罐取汞。又名水銀。用磁罐二箇。掘地成坎。深罈量可容二罐。先埋一罐于坎四圍。用土築穩。實內盛水。

浦仍一罐入珠砂半。浦上加敲碎瓦粒。剪鐵線繫如片圓樣。一塊閉塞罐口。到覆下罐之上。務令兩口相對。弦縫鹽泥封固。以熟炭灰

火先文後武。煨煉一炷香久。其砂盡出水銀。流于下罐。水內復起。下罐檢出皮殼。入新珠砂。固臍再煨。每好砂一兩。常煨出七八錢。

低者僅五六錢而已。盛以葫蘆。免其走失。殺五金大毒。惡磁石同前。得鉛則

凝。得硫則結。得紫河車則伏。置金銀銅鐵于上。則浮。併棗核研則

散揚。併津唾則斃蟲。屍體灌之。不朽。銅錫搓之。則明。和大楓子研

末。則殺瘡蟲。佐黃芩為丸。則絕胎孕。方名斷孕丸。匪專醫藥。亦入丹鑪

皮殼名曰天硫。僊方謂之已土。儻修鍊得法。可點銅成銀。○輕粉

係汞再昇。加鹽皂礬二物。質輕色白。故此為名。其法水銀一兩。皂礬七錢。白鹽五錢。

同研。微見星為度。放炊餅盆中。按區以鷄翅掃圓。如餅樣。覆以鳥盆。用鑪灰羅過。水調封盆縫。盆底離火三十許。用熟炭火煨之。火

慢則漸加。至半斤為度。以點線香三炷為度。提出候冷。用刀輕輕挑起。烏盆仰放。撥去鑪灰。勿令香落。鷄翅輕輕掃下。盆底粉脚任


意掃淨。另放。又加皂礬水銀白鹽同研。復鍊。鍊盆內。餅上。或有升不起者。掃上面好者。亦和前再鍊。以乾濕得所為宜。乾則入少水

潤之。又不可太濕。其盆底。籠者去之。或留擦。疥癩亦可。今市賣者。有燒凝水石。或石膏為粉。以亂真。須燒火上走者。真也。其


功惟治外科。所忌一切生血。○銀珠亦汞燒就。時俗又喚心紅。染

盡色最奇。殺蟲蟲亦驗。庸醫不曉。研為藥衣。違悞太深。傷害寧免。

### 辰州丹砂



宜州丹砂



謨按汪石山曰。經云。朱砂微寒。生餌無毒。伏火者。大毒殺人。水

銀乃火煨朱砂而成。何謂無毒。其性滑動。走而不守。氣味俱陽。

從可知矣。陽屬熱火。經云。水銀辛寒。似難憑據。又云有毒。得非謂以朱砂伏火而成之耶。故毒比朱砂尤甚。宜其蝕腦至盡。入肉百節拘攣也。又水銀和入皂礬。再加火煨。飛着釜蓋者。謂之水銀粉。又名輕粉。此經煨而又煨。陽中之陽。更資皂礬燥烈。比之朱砂水銀尤為大毒。燥烈之劑也。經云。粉寒無毒。豈理也哉。近見世之淫夫淫婦。多生惡瘡。始起陰股。不數日間。延及遍體。狀似楊梅。因名曰楊梅瘡。甚者傳染。俗醫以輕粉為君。佐以雄硃。腦麝等劑。或散或丸。服之。雖効。愈而又發。發則又服。久久致手足攣曲。遂成痼疾。俗又名曰楊梅風。蓋由藥之燥熱。酷烈。耗其血液。筋失所養。以致是也。俗人不知。由死于藥。良可哀憫。


靈砂

味甘。氣溫。無毒。係水銀硫黃二藥。用水火煨煉成形。其法水

硫黃六銖。先炒作青砂。頭後入水火鑪。抽之如束針。絞者成就也。又名二氣丹。畏鹹水。勿加惡磁石。須避

止煩滿通血脉。安魂魄。養精神。殺鬼辟邪。益氣明自。久服不老。輕身神僊。令人心靈神明通暢。若飼猿猴鸚鵡。輒作人語不差。

取水銀朱砂



煨水銀鑪



雲母

味甘。氣平。無毒。瑯琊在彭城雖盛。廬山屬南康府亦生。色有五般。

白澤為貴。作片成層。可拆通透。輕薄光明。沙土養之。月月生長。畏

鮫甲及東流水。忌羊血。惡徐長卿。以澤瀉使宜。宗雷公製。鈔每雲

斤用。小地膽草。紫貝。天葵。生甘草。地黃。汁各一銖。入磁鍋中。安雲母于內。下天池水。三銖。煑七日。夜勿令失度。其雲母自然成碧玉。漿在鍋底。却猛投天池水。以物攪之。浮而蠲涎者。去之。如此三度。淘了。取沉香一兩。搗末。以天池水煎湯。三升。分三度。再淘曬乾。用

不解節度。勿輕餌之。主身表死肌。如車船上中風寒熱。治赤白痢。

疾及女婦人帶下崩中。安五臟。且益子精。除邪氣。能耐寒暑。遍身風癢。百計不差者。煨粉調水可服。諸類惡瘡。一切作痛者。研末和油可敷。久服延年。輕身明目。○又陽起石。卽雲母根。惟畏菟絲。亦忌羊血。惡澤瀉。茵桂。併蛇蛻雷丸。佐使得桑螵蛸。宣明瑩若狼牙者。勝有雲頭兩脚及鷺鷥毛者尤佳。欲試緊慢。絕細研成。鋪有祐盆中。照當午日下。盆面濕紙密掩。盆底文火微熏。并起粘紙者。力洪。仍復在盆者。力劣。治腎氣之絕。陰痿不舉。殊功。破血痕積。疑腹痛難抵。立効。去陰囊濕癢。驅子臟冷寒。

讚按本經註云。雲母有五種。當舉以向日詳占視之。乃可分別。若陰地視。不見其雜色也。若五色具者。名雲華。五色具而多青者。名雲英。宜春服之。五色具而多赤者。名雲朱。宜夏服之。五色具而多白者。名雲液。宜秋服之。五色具而多黑者。名雲母。宜冬服之。但有青黃二色者。名雲砂。宜季夏服之。晶晶純白者。名磷石。四季可服也。醫方所用白澤者。正磷石是爾。又云。他物埋土。卽朽。着火卽焦。而五雲納猛火中。經時不焦。埋深窀內。雖久不腐。故能令人長生。服經十年。雲氣常覆其上。夫服其母。以致其子。亦理當然也。在古固此爲言。但今之望壽。未聞有人服此者。蓋因金石性悍。抑且修製節度。恐非文字可詳。弗輕餌之。謹之至也。

充州雲母



江州雲母



陽起石



齊州陽起石



禹餘糧

味甘氣寒無毒採從潞州屬山西形如鵝卵外殼重疊包裹內黃細末一團彷彿蒲黃嚼甚糝齒得之火煨醋淬復用磁鉢重搗水澄汁清勿留砂土入藥佐使宜牡丹皮療血閉癥瘕赤白漏下除寒熱煩滿欬逆邪傷久久餌之輕身延壽經曰重可去怯禹餘糧之重乃為鎮固劑也○又石中黃子乃餘糧未成藏諸殼中搖則水響本經註云水已凝者為餘糧水未凝者為石中黃子也亦堪久服耐老輕身○仍有太乙餘糧古方之中亦載徧考諸說

禹餘糧



石中黃子



俱未真知或指水殼為然是亦猜疑臆度所云治病與前小同

紫白石英

味甘辛氣溫無毒泰山山中每每出產色有五品種有

兩般但青赤黃治療少用惟紫白者服餌多求鉢貯搗成水攪飛

過資長石為使入心肝肺經紫者入心肝二經白者入肺經畏附子扁青惡黃連

麥句麥句也紫石英類水精明澈似樗蒲達頭治婦人子戶風寒經

十年不孕療男子寒熱邪氣致欬逆異常定驚悸且補心虛填下


焦尤安魂魄又散癰腫薑醋煎調白石英二三寸長手指般大六

面如削白澈有光治欬逆胸膈久寒理消渴陰痿不足益氣除風




痺下氣利小便療肺痿肺癰止吐膿吐血

紫石英



澤州白石英



石膏


味辛甘氣微寒氣味俱薄體重而沉降也陰中陽也無毒青  
州併徐州多生畏鐵惡莽草巴豆細理白澤為上猛火煨軟方靈  
絕細研成湯液任使以鷄子為使入肺胃三焦辛能出汗解肌上  
行而理頭痛甘則緩脾益氣生津以止渴消故風邪傷陽寒邪傷  
陰總解肌表可愈任胃熱多食胃熱不食惟瀉胃火能痊仲景加  
白虎名身以前胃之經胸者肺之室邪在陽明肺受易老云大寒  
刺胃弱食不下者忌服血虛身發熱者禁嘗比象白虎證候服白  
虎湯者死不可輕忽

單研末和醋為丸治食積痰火殊驗胃脘痛甚吞服立差

漢按丹溪云嘗觀藥之命名固有不可曉者中間亦多意義學  
者不可不察焉如以色而名者大黃紅花白前青黛烏梅之類  
是也以氣而名者木香沉香檀香茴香麝香之類是也以質而  
名者厚朴乾薑茯苓生熟地黃之類是也以形而名者人參狗  
脊烏喙貝母金鈴子之類是也以味而名者甘草苦參龍膽草  
淡竹葉苦酒之類是也以能而名者百合當歸升麻防風硝石  
之類是也以時而名者半夏茵陳冬葵寅鷄夏枯草之類是也  
石膏火煨研細醋調封丹鑪其固密甚於石脂苟非石膏焉能  
為用此兼質與能而得名正與石脂同意閻孝忠妄以方解石  
為石膏况石膏味甘辛本陽明經藥陽明主肌肉其甘也能緩  
脾益氣止渴去火其辛也能解肌出汗上行至頭又入太陰入

手少陽彼方解石。只體重質堅。性寒而已。求其所調有膏。可為三經之主者。安在哉。醫欲責効。不亦難乎。第一卷知母款後謹按宜參看

### 汾州石膏



**空青** 味甘酸。氣寒。無毒。出益州深山。生有銅處所。銅精熏則生空

青。腹中空。破有漿水。儻得之。雖腹中空。取無漿汁者。將成箇全。殼埋地三五夜。自然生出。大若雞蛋。

畏惟菟絲。能化銅鐵鉛錫。作金濟貧助富。專治赤腫青盲眼疾。去

暗回明。漿為點眼。僊丹殼亦摩腎要藥。諺云。不怕人間多眼瞎。只

愁世上無空青。此可徵也。益肝氣。養子精。利九竅。通血脉。○曾青

氣味頗似。所畏菟絲。又同。但形若連珠。纍纍相綴。亦生于蜀。益求

真極難。可立制砂汞成銀。能竟除目痛。止淚。其餘治體。彷彿如前。

○綠青。畫者多求有青白花紋。吐風痰甚速。○白青。時不多見。似


魚目。青碧。俗謂魚目不入畫。治眼目亦靈。○扁青。療折跌癰腫。金瘡。令人

有子。○膚青。主蠱毒蛇菜諸毒。令人延羸。

### 青 空



### 青 空 州 信



青 魯



青 綠



石膽

即翠膽礬

味酸苦辛。氣寒無毒。真者出蒲州虞鄉。屬山塊如鷄卵。

圓大。顏色青碧。不忝琉璃。擊之縱橫。解皆成疊。有銅坑內方有亦

可採煎鍊成。雖可煎鍊不勝自生者尤珍貴今市多以醋揉青礬假克不可不細

認爾。須研細末。纔入醫方。畏辛夷白薇及芫花茵桂。水英為使。化

鐵成銅。亦成金銀治鼠瘦惡瘡。併喉鵝毒。瘰崩中下血。及陰蝕疼。吐風

痰除癰。殺蟲蠶堅齒。

石膽



石硫黃

味酸。氣溫大熱。有毒。乃礬石液出泰山中。如鷄雛初出殼

者為真。以火焙傾水浸過可餌。畏細辛。飛廉鐵。使曾青。石亭脂。體

係至陽之精。能化五金奇物。壯興陽道。若下焦虛冷。元陽將絕者

殊功。禁止寒瀉。或脾胃衰微。垂命欲死者立効。中病便已。過劑不

宜。塞痔血。殺疥蟲。堅筋骨。除頭禿。去心腹疝癖。卻脚膝冷疼。仍除

格拒之寒。亦有將軍之號。蓋因功能破邪。歸正。返滯還清。挺出陽

精。化陰魄而生魂也。

謹按硫黃性熱。每用治其格拒之寒。儻或此證兼有伏陽在內

須加陰藥為佐。纔效也。古方太白丹。來復丹。各有硝石之類。是

皆至陽。佐以至陰。正合宜爾。若無伏陽。單患陰證。此又不必例

拘。惟在用其陽藥也。

第三卷大黃款後。謨按宜參看。

石硫黃



土硫黃



雄黃

味苦甘辛。氣平寒無毒。一云大溫有毒。生武都焯煌山。陽名

曰雄也。得大塊三五兩重。價類金焉。嗅之臭氣不聞。赤如鷄冠。明

澈此為上品。搗細水飛。作散為丸。任憑酒服。鍊服飛入腦中年深月久

輕身神僊。出路佩之。鬼神不近。有孕帶者。轉女成男。又可點紅銅

成金。甚為丹竈家所重。一說雄黃千年化為黃金。又云雄黃以草


汁併黍得者。上可服。餌中可點。銅成金。下可變銀。成金也。堅頑作氣。此名臭黃。不宜服。餌。只治瘡瘍。碎精

癖。快。中毒者。防已解之。

階州雄黃



階州水窟雄黃



雌黃

味辛甘。氣平寒。有毒。產武都山陰。故雌黃為譽。色與金子仿

佛。因受金精熏蒸。陰山出金故也。甲錯層層。又若雲母。凡修製主療。忌鷄


犬。婦人。儻快觸之。則黑如鐵。研成塵末。治外功多。入藥最稀。服者

宜審。去身面白駁。一切惡瘡。散皮膚死肌。諸般蟲毒。碎邪去惡。竝

與雄同。懷孕佩身。轉男成女。若以草藥伏住。亦可點銅成銀。照前法以

草藥伏住。火胎色不移。謂熔成汁者。點銀成金。點銅成銀。

階州雌黃



赤石脂

味甘酸辛。氣溫無毒。多產泰山。無時收採。種有五色。實共一名。雖各補臟不同。總係收斂之劑。可以隅反。不必槩言。形赤粘。舌為良。火煨醋淬。纔研。畏荒花。莫見。惡大黃。松脂。凡百潰瘍。收口。長肉。但諸來血。止塞歸經。養心氣。滋精。住瀉痢除痛。白者入大腸。經止瀉尤妙。

潞州赤石脂



疑水石

即寒水石

味辛甘。氣寒無毒。多生河間。

那下

橫理不同。惟潤澤清明為上。置水中。與水一色。雖夏月亦凝。為斗。故此得疑水之名。必須研極細。纔用。服加薑汁。性惡地榆。卻胃中熱。及五臟伏熱。齊毆。解巴豆毒。併丹石諸毒。竝壓。傷寒。勞復。兼治。積聚邪熱。亦除。止煩悶。喉頰渴消。去水腫。小腹頑痺。

疑水石



石鍾乳

味甘。氣溫無毒。始興江陵。多生岩穴。陰處纔有。溜汁結就。

故以乳名。形類鵝管。中空。又若蟬翼。輕薄。色白淨光潤。得此無問。厚薄並佳。

儻如枯骨。死灰及黃赤二色。不任用。長六七寸餘。收採無時。入水不沉。藥湯煮鍊。須

宗雷公。每乳八兩用甘草紫背天葵各二兩以水煮一伏時漉節  
度或違多生他變。所惡藥有三品。牡丹玄石牡蒙。畏紫石英使蛇  
床子。主欬逆止氣。療脚弱冷疼。安五臟百節。能通下乳汁。九竅並  
利。解舌癰渴數飲。補下焦虛遺精。益氣強陰。通聲明目。久服育子。  
不鍊病淋。

### 石鐘乳

謨按丹溪云。鍾乳乃慄悍之劑。經云。石藥之氣悍。仁哉言也。夫  
天生民。以穀養。及有病。以藥治。穀氣和。可常食。藥氣偏。惟暫用。  
石藥則又偏之甚也。自來富貴之家。多惑方士。以石藥體重氣  
厚。服餌可以延年。習以成俗。受此氣悍之禍。莫救哀哉。



### 代赭石

味苦甘。氣寒。一云味甘。氣平。無毒。惟出代州。屬山多生山

谷。一說是代都色赤如鷄冠。有澤。佳者染爪甲不踰。或難得。真牡

蠣可代。火煨醋淬七次。方研極細末。飛。惟作散調。勿煎湯服。畏雄

附天雄使乾薑入少陽三焦。及厥陰肝臟。治女人赤沃崩漏。帶下。

暨難產。胎衣不來。療小兒疳疾。瀉痢驚癇。併尿血遺溺不禁。卻賊

風蠱毒。殺鬼疰魅精。陰痿不起。能扶驚氣入腹。可愈。聖濟經曰。怯

者驚也。怯則氣浮。重劑以鎮之。代赭之重。以鎮虛逆也。孕婦忌服

恐墮胎元。

### 代赭石



### 井泉石

氣大寒。無毒。近道處處俱生。饒陽郡田野地內纔有。穿地

文許方可得之。形似土黃。方圓長短。大小不等。內則堅實。外卻作層。重疊相交。收採無時。須研絕細。儻或不爾。令人病淋。解心臟熱。結最良。止肺經熱嗽亦妙。得大黃梔子。治眼臉暴發腫浮。得决明菊花。療疳驟生腎膜。總主諸熱。別無所能。

井泉石



花蓋石 極大堅重。出自陝州。顏色彷彿硫黃。黃中間有白點。因名花蓋。最難求。真得之。煨研粉霜。治諸血證。神效。男子以童便攪半酒和。女人以童便攪半醋調。多服體卽疎通。瘀血漸化。黃水誠爲劫藥。果乃捷方。金瘡血流。敷卽合口。產後血暈。舐下立安。

花蓋石



青礞石

顏色微綠。出自山東。欲辨假真。須依法製。敲碎小顆粒。貯傾銀罐中。攪半焰硝石二兩。鹽泥固濟。武火煨一炷香。取出色若雌黃。軟脆易搗。方爲不假。成末以水飛細。入藥作散爲丸。力能墜痰。滾痰丸必用。功亦消食。積食方常加。匪醫小兒。亦治男婦。

青礞石



滑石 味甘氣大寒。性沉重降也。陰也。無毒。所在多有。收採無時。細膩潔白者為佳。麤頑青黑者勿用。研細以水飛淨。服下方得滑通。惡曾青。宜甘草。石韋為使。入足太陽。利九竅。津液類生。行六腑。積滯不阻。逐凝血而解煩渴。分水道以實大腸。消食毒補脾。泄上氣降火。因此滑利。故加滑名。墮胎如神。妊娠忌服。

### 道州滑石



按滑石治渴。非實能止渴也。資其利竅。滲去濕熱。則脾氣中和。而渴自止。爾假如天令濕淫太過。人患小便不利而渴。正宜用此以滲泄之。渴自不生。若或無濕。小便自利。而渴者。則知內

有燥熱燥宜滋潤。苟誤用服。是愈亾其津液而渴反盛矣。寧不為犯禁乎。

礬石 味酸氣寒。無毒。一云小毒。種顏色五般。地出產數處。初皆石。

全憑鍊就。其極精。無越晉州。屬北直隸畏麻黃惡牡蠣。為使甘草。凡用

俱同。○白礬治病證多。能生煨。隨重輕。應變竝研細末。任作散。

去瘰肉鼻竅中。除痼熱骨髓內。劫喉痺。止目痛。禁便瀉塞齒疼。洗

脫肛。澁腸。敷膿瘡。收水。稀涎散。同皂莢研服。吐風痰。通竅神方。蠟

礬丸。和蜜蠟丸吞。平癰腫。護膜要劑。久服損心肺傷骨。為醫亦不

可不防。○黃礬一名鷄矢礬理潰癰生肌。鍍金家難缺。一說投苦酒中塗鐵皆作銅色

但外變而內質不變○黑礬即皂礬塗皓髮變黑。染皮者要多。○綠礬亦主瘡

科。○紫礬可制砂汞。○絳礬燒之赤色。本經但載虛名。○金線礬

紋縷有金絲。治瘡追毒。○柳絮礬輕虛如綿絮。止渴消痰。



晉州礬石

磁石

味苦鹹無毒。一云平甘溫澁。小毒。乃鐵之母。惟有鐵處則生。

雖多海南。僅磁州屬河南者進貢。能吸鐵針鐵物。若母見子相連。凡

用拯疴。須依法製。火煨醋淬七次。羅細水飛。數遭。務如灰塵。纔可

服餌。專殺鐵毒。惟使柴胡。惡莽草。牡丹石脂。為重而去。怯之劑。除

大熱煩滿。去周痺痠疼。周痺謂痺隨血脈上下不能左右去者是也綿裹治耳聾。裹耳

耳中口含生鐵少許藥和點目聾。音茂強骨氣益腎臟通關節消癰

疽。逐驚癇風邪。毆頸核喉痛。鍊水旋飲。令人有娠。若誤吞針入喉。

急取繫線服下。引上牽出。實亦妙方。○又磁石毛更功力勝。生石



細孔上輕紫。研入醇酒內調吞。掃瘡瘦。以長肌膚。補絕傷。而益陽道。止小便頻數。開老眼光明。腎虛耳聾。每每取功。○玄石亦磁石一種。純黑無孔者為然。力劣不能吸針。治體大同小異。

磁石



石玄



石蟹

味鹹氣寒。無毒。似生蟹形狀。出近海郡州。云是海蟹多年。水

淳相着。化而為石也。風潮飄出。人纔得之。多夾瓮石污泥。凡用去

淨。摩細。清水飛過。佐藥取功。點目中。生腎腫疼。解腹內中毒。蠱脹。

平。擿。擿。摩。敷。催生落胎。○石蛇。盤曲似蛇。但無首尾。內空。紅紫

着色。又如車螺。雖與石蟹類同。不知何物所化。以左盤者為善。解

金石毒極良。石鷲氣涼。亦與鷲似。水煮汁服。治淋有功。婦人產難。兩手各把一枚立驗。病者消渴。同水牛鼻煮飲即差。○石蠶類蠶。用須摩細。破石淋血結。主金瘡生肌。

石蠶



石鷲



石蛇




無名異

味甘。氣平。無毒。出大食國內。今廣州宜州亦有生山谷石中。大者若彈丸。小者如楮栗。又云小者如墨石子顏色黑褐。嚼之錫甜。鷄血滴之即

化為水。專治金瘡折損。用之以醋摩塗。去瘀止疼。生肌長肉。

謾按海南人云。有石無名異。絕難得。有草無名異。彼人不甚貴。重。豈本經說者為石。而今所有者為草乎。

廣州無名異



宜州無名異



金屑

味甘。氣平。有毒。一云。性多寒。無毒。隨處皆有。益州屬四川今改成都府

獨多。收採不同。形色自異。麩片金。淘水砂內。色却淡黃。瓜子金亦

者顆塊。取山石間。色乃深赤。又說西北金色淺。東南金色深。此又各

土所宜。爾畏水銀錫。悞犯色變。得餘甘子相感。體柔。古方紫雪用

之。蓋假自然氣也。名僉加屑。義在摩成。或洗淨金器水煎。或搗碎金箔湯服。生金未鍊。切忌妄投。若毒中腹中。鷓鴣肉可解。除邪殺毒。卻熱。啟煩。安魂魄。養心神。堅骨髓。和血脉。禁癲疾。狂走。止驚悸。風癇。幼科藥作錠丸。必資此為衣飾。○金石能健肥肢體。駐顏壯陽。○金漿可長生神僊。延年益壽。○金芽亦如金色。燒淬去麤汁。纔宜專療瘡氣。傳屍風毒。及鬼疰等疾。孫思邈治此證。有大小金芽散。○金星石。有金星簇如麩片。出濠州。屬鳳陽。治肺損。欬嗽吐紅。

益州金屑



信州生金



金星石



銀星石



銀屑

味辛。氣平。有毒。多出宣饒坑中。

宣州屬南直隸饒州屬江西唐御史權萬紀奏宣饒二州

極有銀坑採甚利。益太宗曰無所缺。乏何暇取乎。是知彼處有銀也。惟生銀鑛石內。文理麤錯。類錫

甚堅。此謂鑛銀。難竟入劑。銀在鑛中與銅相雜。必以鉛煎鍊。方成

故言所加屑字。義與金同。必用鍊熟。摩成。或取銀箔調碎。為丸煎

汁。憑證重輕。畏磁石。併石亭脂。惡白錫。及一切血。除譖語。恍惚不

睡。止熱。狂驚。悸發癇。定志。養神。鎮心明目。安五臟。辟諸邪。並用服

之功。勝紫雪。○黃銀。謂碎惡瑞物。蘇註云。作器乃無稽謬言。既堪

則非瑞物。可知。○鳥銀。用硫黃煙熏。故變為黑色。○銀膏。合鍊有法。白錫

水銀三如膏凝成專治心虛健忘補齒缺落○銀星石有銀星麩片其治體併土產同前悉同金銀石

### 饒州銀屑



### 宣州生銀



鉛

味甘無毒稟北方壬癸陰極之精生蜀郡平澤銀坑之所性濡而滑色黑而縑可點銅成銀須草伏成寶入劑治療鎮心安神主鬼疰癭瘤止反胃嘔噦蛇蠍傷毒灸熨尤奇○熔出鉛灰能治癩癧○鉛霜性冷亦鉛鍊成其法以鉛雜水銀十五分之一合鍊作片置醋甕中密封久成霜又名鉛白霜能塗木瓜失酸因體屬金尅木止驚悸毆熱解酒毒消痰療胸膈

悶煩逐中風痰實○鉛丹製炒有法

其法鉛一斤土硫黃一兩硝石一兩先熔鉛成汁下醋點

沸時下小硫黃一塊續下硝石少許沸定再點醋考其氣味辛寒依前下黃硝少許待硝沸盡黃亦盡炒為末成片

一名黃丹外科多用先入水飛淨砂土後駕火炒變褐黃煎膏敷

金瘡生長肌肉住痛入藥治癩疾收斂神氣鎮驚除毒熱臍攣止

翻胃吐逆經云澁可去脫鉛丹固氣而處有銅所形方圓不定色

青黃類銅不從礦鍊而成故曰自然銅也製宜火煨醋淬研末絕

細水飛治跌損接骨續筋療折傷散血止痛熱酒調服立建奇功

若非煨成切勿悞服


謨按丹溪云世以自然銅為接骨妙藥殊不知跌損之方貴在

補氣補血補胃俗工不明此理惟圖速效取錢儻遇老弱之人


若服此新出火者其火毒金毒相扇又挾香熱藥之毒雖有接

傷之功然燥散之禍甚於刀劍戒之戒之

鉛



自 然 銅



生鐵

味辛氣微寒無毒出閩廣畏磁石鑄器皿堪用拍片段弗能  
 凡入方劑拯疴難作丸散正用須煨過儼赤汁淘淨復燒紅酒或  
 水任煎脫肛及熊虎咬傷取湯日洗被打致血凝骨節用酒時嘗  
 耳聾亦可服之必塞磁石纔効凡耳聾以生鐵投酒日服仍綿  
 熟鐵一名錄鐵銷拍可作諸般煮汁下咽堅肌耐痛○鋼鐵以生  
 熟雜鍊作刀磨鋒刃易成去胸膈痞積食停主金瘡煩滿熱中○  
 鐵落乃燒赤砧上打落皮屑煎服治諸瘡毒氣焮在皮膚○鐵精  
 煨竈中飛出如塵紫色輕虛者為妙可磨瑩銅器入劑療驚悸心

神不足小兒風癩證亦宜○鐵漿取鐵浸水中經夕自浮青沫飲

下解諸毒入腹出虎蛇犬啣傷主癩癩發狂鎮心氣退熱○鐵繡

着濕即有生鐵上者纔佳蜘蛛等傷醋摩敷愈惡瘡疥癬油調塗

差○鐵華粉氣味鹹平係鋼鐵鍛共作藥乎面摩鹽水灑投于醋

甕埋陰處自然生衣刮研成霜能去百病安心神堅骨髓強志力

卻風邪養血氣延年烏鬚髮耐老若為丸散須和棗膏○又有針

砭乃針家摩鑢細末堪治黃胖務醞醋浸透煮乾○鑰匙薑醋童

便煮服治婦人血噤失音○刀刃主蛇虺咬毒入腹地漿水摩吞

○鋸漬酒治悞吞竹木入喉○斧淬酒治婦人難產不下○秤錘

拉鐵竝去賊風用之燒紅淬酒頓飲

柔 鐵



生鐵

鋼鐵



密陀僧 味鹹辛。氣平。有小毒。原產波斯胡國。其名蓋本胡言。今各處銅銀冶中。盡識明煎鍊灰脚。故凡賣者。又謂灰坏。近道俱多。至賤易得。體堅重。如龍齒。凡擊碎。有金色。佳絕。細研成多入膏藥。禁久痢。且治五痔。除白癩。尤療諸瘡。

廣州蜜陀僧



朴硝

味苦辛。鹹氣寒。降也。陰也。無毒。一云有毒。

丹溪云本經言無毒。誤也。能化七十

二種石不毒而能之乎

生益州山谷。有鹹水之陽。初採其苗。淋水取汁。一煎

成滓。乃名朴硝。色青白者為佳。兼黃赤者勿服。

黃者傷人。赤者殺人。諸石藥

毒能化。六腑積聚堪毆。潤燥糞。推陳致新。消癰腫。排膿散毒。卻天

行疫痢。破留血。閉藏。傷寒發狂。停痰作痞。凡百實熱。悉可瀉除。又

善墮胎。孕婦忌用。○芒硝。因再煎煉。傾又盆內結芒。上有糠稜。名

故改喚。甚消痰癖。更通月經。延發漆瘡。可敷難產。子胞可下。洗心

肝明目。滌腸胃。止疼。經云。熱滯于內。治以鹹寒。佐以苦寒。古方因

之。每用大黃。芒硝。一頁而為使也。又稱英硝者。因形與白石英相

同又曰馬牙硝者，其形與馬牙無異，實即芒硝一種。無過因形異名。本經各開，此則併附。○硝石在盆硝底結，燒之有火焰上騰，由質堅凝，特稱石類。所惡須記三藥：苦參、苦菜、曾青。總味辛，能潤燥，鹹能軟堅，苦能瀉火，但力較前二硝略少，緩爾。○仍兩品尤妙，亦朴硝製成，冬天苧布袋，滿盛掛簷端，質若變白，此風化硝，取輕而不降，乃膏梁家易化頑痰捷方。○臘月蘿蔔水同煮，露天底，味竟去鹹，號玄明粉。因陰中有陽，誠老弱人微啟虛熱妙劑。臨服之際，惟忌苦參。製玄明粉法：用朴硝十斤，水一桶，同入鍋內，溶化，掠去斤冬、瓜、五斤，豆、腐、三斤，俱切厚片，同硝水入鍋內，煮沸六七次，撈去蘿蔔等物，又掠去油膩，將細布好紙再濾過，務令渣滓去淨，然後放入瓦盆，置諸星月之下，自然生出硝芽，片子取出，放于棹面，上任其風乾，將原水又煎沸一次，小瓦盆內，令其再生，如是者數次，以水內無硝片為度，將前風乾硝芽，用泥裹罐子，裝盛，按實，碎炭周圍，不走火氣，如法煎煉，候水乾盡，仍聽鏗內硝汁，不響復如法，固封罐口，再加猛頂火煨煉，一晝夜，玄明粉成矣。待冷取出，着淨地上，以新瓦盆一箇覆之，以去火毒，後研為末，每斤加生熟

草各一兩，和勻，初服一錢，漸加二錢，四時服食，各有飲引。春養肝，川芎、黃耆、芍藥湯下；夏養心，茯苓、冬湯下；秋養肺，茯苓、桔梗湯下；冬養腎，肉蓯蓉、烏頭湯下。四季養脾，人參、白朮湯下。朴硝鹹物也，蘿蔔性溫，與冬、瓜、豆腐俱能奪鹹味，用之修製，使去其鹹，故曰陰中藥也。

硝石



芒



峽州朴硝



硝

按七硝氣味相同，俱善消化，毆逐，但朴硝力緊，芒硝英硝，馬牙硝力緩，硝石風化，硝玄明粉，緩而又緩也。以之治病，致用，病退即已。本經載，芒硝補益，豈理也耶。若孕婦有可下證，用之

必兼大黃引道。仁之直入大腸。潤燥瀉熱。子母均安。經曰。有故無殞。亦無殞也。此之謂歟。

砒霜

一名信石

味苦酸。有大毒。近銅山處俱有。信州井者獨佳。

信州屬陝西其處有

此井宮中封禁甚嚴。井中有濁沫水。先絞水盡。纔鑿取之。

塊大色黃。明澈不雜。此生砒者。謂之

砒黃。置火上以器覆之。令砒煙上着凝結。纍纍垂下。如乳尖長。纔

名砒霜。入藥方。妙所畏。醞醋冷水。菜豆羊血四般。誤中毒腹中。用

一味即解。醫方醋煮。亦殺毒焉。截瘡除毒。膈上風痰可吐。潰堅摩

積腹內宿食能消。

### 信州砒霜



蓬砂

一名鵬砂

味苦辛。氣溫無毒。出西戎者。色白味焦。功遲。出南番者。

稠味和力速。大塊。光瑩良。同菉豆收藏。纔形色不伐。治喉中腫

痛要藥。去膈上痰熱。捷方。合化嚙津。緩以取效。又為錐藥。可柔金

銀。

蓬

砂



鵬

砂



硃砂

味酸苦辛。氣溫有毒。近邊州郡俱有。西戎出者尤奇。形擇如

牙硝光明。水飛去土。石重煮。

水飛後以水煮乾用。

忌羊血勿食。畏漿水。須防。

因多爛肉之功。每為外科要劑。腫毒資破口去血。潰癰仗剔腐生

肌。除醫膜。明雙睛。長金銀為錐藥。本經又云。生食之。化人心為血。



僮快中毒急研草上以解之。

謀按經註云。礪砂質稟陰石氣。性含陽毒精。去穢益陽。功用甚著。故能消五金入石。而為五金賊也。飛鍊有法。一飛為酸砂。二飛為伏翼。三飛為定精色如鵝兒黃。若草伏住不碎。可轉制得諸石藥。亦能變鐵。又能制銅。為大青大綠。修丹竈者當知。

### 礪砂



### 食鹽

味鹹氣寒。無毒。為調饌之需。出近海之地。有池有井。汲水煎成。論形色。河東獨佳。入藥劑。漏蘆為使。如欲單用。炒化湯中。堪洗下部。匿瘡。能吐中焦痰癖。甦心腹卒痛。塞齒縫來紅。毆蚯蚓毒傷。殺鬼蠱邪疰。少用接藥入腎。凡服補陰丸。宜鹽湯送下。過多。喜欬傷金。走血竭。

筋黑膚失色。司庖厨者。務用適宜。水腫咳嗽病人。須全禁忌。勿服。

秋石丹可代用。○戎鹽類石。出白西羌。一名青鹽。煨白纔。益氣去氣。蠱。

明目卻目疼。止吐衄血。可加。堅筋骨。節堪入。○鹵鹹。即鹹。亦產。

河東。掘鹽土。淋水熬乾。旋結塊。形如磚樣。用之研細。能軟積。堅主。

大熱消渴狂煩。除多年癥瘕。凝痛。去濕熱。消痰癖。下蠱毒。柔肌膚。

洗滌垢膩。有功。漿糲房中必用。○太陰玄精石者。亦出積鹽倉中。

古云。大鹵之場。則生陰精石是也。惟解縣屬山東者勝。似龜背者良。

又名鬼精。無時收採。心腹積聚。能逐風冷邪氣。可除。理男子陰證。

傷寒。止婦人瘕冷漏下。

### 諸水

稟天一之氣。居五行之先。草木資以發生。黎民藉之養育。普天之下。惟水最多。大則為海。為江。為河。小則為潭。為溪。為澗。鄉市。自唐有井。崖谷有泉。味甘辛鹹淡自殊。性動靜緩急。亦異。用。

烹藥餌各有所宜。石井詳知。安求効驗。○有曰長流水者。與千里水同。取歷科坎極多來遠流長之義。手足四肢之疾。非此莫攻。○有曰順流水者。與朝東水類。謂向東流不悖。直下無礙之名。大小二便滯留。用斯即利。○逆流水。即迴瀾倒逆上流。堪吐上焦胸膈風痰。資易上湧。○急流水。係峻灘急趨下水。可去下體腿膝濕痛。仗竟下行。○井華水。汲在早晨。補陰虛。併清頭目。蓋緣天一真氣浮結水面而未開。○山骨水。覓於長夏。退時疫。且卻瘟黃。乃因夏至陰生。起從地底而極冷。○半天河水。積諸竹木管中。即長桑君授扁鵲。以上池之水是也。質極清潔而不濁。堪鍊丹藥。欲成僊者。須求。○菊英水。出於菊花多處。原陶靖節好植菊。而採英浸水。是馬氣甚馨香而最甘。可烹茗芽。望延壽者宜啜。蜀中有長壽源。其源多菊花而流水。四季皆菊。花香。居民飲之。壽皆二三百歲。○春雨水。立春日。以器迎接空中。氣得春。

而生發。中氣不足。清氣不升。及年壯未嗣人。煎服極妙。○秋露。秋分時。以物拂諸草上。性稟秋降。而肅清。癆蟲傳屍疔蟲作脹。併年深染崇者。取飲最佳。○臘雪水。甕貯掘地埋藏。性酷寒。治春夏時行疫毒。○甘爛水。器盛以物揚躍。氣柔緩。調冬月陰證傷寒。○新汲水。井泉汲出不經混雜。為然。不曾傾缸甕者。養心神。誠獲奇功。○無根水。一名土凹。音勑。積留。不見流動者。方是。扶脾胃。果有神功。○仍有地漿。是人造者。挖地坎以水沃中。攪濁渾。俄頃取服。惡毒能解。煩熱能散。楓上毒菌。快食。笑不止者。用之即安。山中毒菌。快食。命幾死者。飲之立効。

謨按諸水。雖分精詳。醫者未免忽略。投煎藥餌。多失選求。殊不知用藥如用兵。兵之赴敵也。貴擇地而屯營壘。苟弗得其地利。則兵練固精。不必克敵之捷報。猶藥之治病也。貴擇水而煎。

湯液若非合其性則藥製雖妙亦難收愈病之全功。此理勢自然不待辯而可明也。水之爲用寧不謹乎。又況人之養生固云穀食爲本。考諸先哲每亦與水對言。有曰水去則榮散穀消則衛亾。有曰水入于經其血乃成。穀入于胃脉道乃行。何獨不離其水者。蓋水之于人關係甚大。年歲之夭壽形體之豐羸悉由得夫水土之厚薄故爾。觀今南北人物則可驗焉。仍有遠行不服水土成疾者亦可槩推矣。

**伏龍肝** 味辛。氣溫無毒。卽竈中對釜底心黃土。取年深色變褐者爲良。醋調或蒜搗泥塗消癰腫毒氣。和水敷臍勤換。辟除時疫安胎。療中風不語心煩。止崩中吐血欬逆。並用搗細調水服之。○又有百草霜名**鍋底墨**。血部要劑。因黑勝紅。慎勿塗瘡。入肉如印。仍有**竈突黑者**。亦竈額上黑煤。曾載方書。總能止血。

**東壁土**

氣溫無毒。惟取東壁陳土。因得曉日炙烘。

或問曰東壁土得曉日烘多爲

優南壁土亦午日常烘炙者何棄而不取乎。答曰素問云少火之氣壯壯火之氣衰。日者太陽真火也。日初出是少火少則壯故取壯則衰故不取。務擇多年。百餘年。研羅細末。扶脾益胃。以類相

從。脾胃屬土。故云。和**白朮**炒成。專止注瀉。同**蜆殼**研就。能敷痘瘡。點醫。侵

日中。摩癬發身上。治春月寒熱瘟瘧。去下部痔瘻脫肛。○**故鞋底**

**土**研水吞。適他方。不服水土者立効。取自己○**鑄鐘黃土**研酒服。

卒心痛。症忤惡氣者殊功。○**鼠壤土**主中風筋骨攣疼。日曝乾用。

○**燕窠土**胡燕者良治風瘙癩癩。水調濕敷。

**石灰** 味辛。氣溫。性烈有毒。在處近山俱得。造埕燒石而成。種有精

麓須用選擇。以水沃熱蒸解者力劣。置風吹自裂解者力優。能伏硫黃。堪去錫暈。凡使醋浸一宿。漉出待乾。研成納牛黃膽陰乾。敷刀斧傷止血。和**白**。長蒸透。點疣痣子去根。同諸灰淋汁熬膏。決

癰腫破頭開口。產如陰不合。煎水洗即收。造酒味帶酸。投少許便解。墮胎甚捷。碎蟲尤靈。○又種鑪內冬灰。係荻蒿藜藿者。因冬寒不斷其火。取性氣烈過三時。入劑用之。得此為勝。熬膏蝕肉。專理外科。○竈內熱灰醋調作餅。心腹冷痛。頻熨彌佳。○百草灰端午多收。此日乘露採草一兩。腋臭用治即止。并花水調灰成團。曝乾兩腋下。緊緊夾之。當抽一身痛悶。瘡出即愈。以少水便洗之。不過三兩度。

梁上塵一名烏龍尾。氣平微寒。無毒。須遠煙火處所。務近堂殿中間。簾拂下旋收。篩羅過方用。中惡卒來鼻衄。流滴不已者。殊功。傷寒陽毒發斑。煩渴倍常者。立効。仲景黑奴丸用之。即治此證。主腹內痛噎。消頭上軟瘡。○又老屋上塵煤。治齒斷腫出血。○故茅屋上塵。取多年欬嗽可除。和石黃款冬花。婦人月經衣帶為末。以水和塗茅上。待乾納竹筒中燒一頭。以口吸入。嚥下無不差。

圖像本草蒙筌卷之八

圖像本草蒙筌卷之九

新安陳嘉謨廷采纂輯

門生

歙邑葉棊

鮑倚

校刊

姤胡一貫

姪晨

潭陽後學劉孔敦

若樸

增補

獸部

虎骨 味辛。氣微熱。無毒。各處山林俱有。色黃。雄者為佳。務審非藥

箭中傷。藥箭射死者不可入藥。恐藥毒浸潰骨。纔取塗酥油炙脆。

勿煎湯液。惟製散丸。所畏三藥。須知。蜀漆。蜀椒。磁石。用治風痺。乃

因虎嘯風。從用補膝痠。只緣虎走力健。殺邪疰。止上焦驚悸。頭骨

宜求。堅筋骨。甦下體風痛。脛骨堪覓。晴收定魄。牙刮敷疽。專主陰瘡疽瘻。

鬚去齒疼。爪碎惡魅。膏塗得犬咬。瘡毒。膽主小兒疳痢。驚癇。威

置在脇兩傍。虎威骨如乙字長一寸。破帶之日添威勢。眼光形

如白石虎夜視之弩箭纜及目光虎夜視便隨墮地得之者形如白石得者夜可

獨行懸臥皮毛卻邪截疫瘧甚驗。啖食肌肉益力止嘔惡尤靈。鼻

懸戶上生男孕婦以虎鼻懸門戶上主生男癩疾仍治。屎封瘡口殺毒。鬼魅亦毆。

屎中骨研如灰。火灼爛瘡敷効。○豹肉酸平亦美食之久則利人

種類繁赤白匪同。形體小猛捷尤甚。獵者網捕亦或得之。安五臟

補絕傷強筋力壯膽志。正月勿食。正月建寅故忌食虎豹肉犯則傷神。脂塗髮

即生。鼻碎邪立遣。頭骨燒灰淋汁。沐頭白屑盡除。皮用作裘可禦

寒冷

### 虎



謨按古人立虎潛丸方中用虎脛骨一味其理甚幽雅他蓋

金也屬陰風木也屬陽虎嘯風從乃木被金制不得不然也故

凡脚膝拘攣癱瘓痠痛等證用骨調治即能追風定痛此又陰

出陽藏之義焉况虎一身筋節力氣皆出前足脛中因其性氣

俱藏人每用之所以名曰虎潛今人用別骨者則非虎潛之義

也。

第十一卷龍骨款後所引衛生寶鑑宜參看

### 豹



象牙

氣平無毒。出

者。臣士孕五歲始生。楚粵者色青。西竺者色

白。朝廷蓄養。資守禁門。惡聞大聲。知人曲直。遇闕訟人行立喚之。理直者則過理曲者

以鼻捲之。擲空數尺。以牙接而刺之。載安南誌。牙生在口兩邊。下垂夾鼻。初解難。竟取用。

須假易真。白木作假易之。凡入劑中。舊者尤勝。舊牙梳及齒。器血並妙。刮屑末研細。

和水。治雜物鐵刺如神。刺入喉中調飲。刺入肉裏調敷。生煎服之。

可通小便閉澁。燒灰飲下。又止小便過多。膽汁不附于肝。隨時而

在四腿。春左夏右。前足纔見。秋左冬右。後足可尋。攪乳點目皆佳。

疼。攪水箍瘡。毒消腫。肉配十二辰屬。易象由此立名。本經又云。象

肉皆有分段。惟鼻是其本肉。煮熟恣食。令人體重。宜食。齒作竹湯下。諸癩疾。易

痊。胸前小橫骨。燒灰酒服。能浮水出沒。鼻端有爪。銳可拈針。蹄底

類犀。紋堪作帶。耳後有穴。牙如鼓皮。一刺便覺。不可不識。

象



白馬莖 味甘鹹。氣平無毒。各處俱有。雲中者良。毛色諸般。純白為

勝。擇嫩駒。力盛。遇春季活收。老死取者不効。懸壁陰乾。務週百日。用銅刀

劈七片。拌羊血蒸三時。曬燥。以麤布淨揩。指去上皮。及乾羊血。研細入苳蓉

搗爛。各等分。蜜丸。豆大。酒下。空心。藥性論嘗云。房中術偏要。增益陰

氣。堅舉陽莖。續絕脉。主中傷。長骨肉。令肥健。肉味辛苦。小毒。堪強

腰脊。長筋。但自死。併毛色雜殊。白身黑頭等類。或臂漏。及蹄無夜眼。鞍下

等肉。並棄勿食。好。食之。宜醇酒送下。無酒殺人。食多心悶。須清酒解。

除反加多懷孕患痢瘡藥勿沾口。生薑倉米蒼耳。忌餌同時。謹慎無憂。誤犯則病。眼去腹滿瘡疾。殺取方宜。齒主小兒驚癇。水摩頓飲。鬃燒灰敷瘡。毒止血。牙燒灰貼疔。腫出根。頭骨治男子嗜眠。能令常醒。宜作蹄甲理婦人下白。立使不流。赤馬蹄治赤帶懸蹄亦可煎湯。齒痛誠為要藥。碎惡氣鬼疰。兼通乳難。除痰癆驚邪。且止血。蚘骨刺人皮膚不治。血入人肌肉即入心。主健忘。肺主寒熱。肝有毒。須棄乳解渴。宜求脂。桑五金不堅。膏塗禿髮復出。毛療驚癇。曾驗鬃止崩帶。常靈屎名馬通。亦禁諸血。尿溺盛於銅器。可洗白禿頭瘡。男伏梁積疝殊功。女癥堅積聚極効。况推鼈痕亦解渴消。絆繩碎斷濃煎。小兒諸癩並洗。

# 馬



牛黃 味苦氣平。有小毒。各處俱資耕耘。黃色枯者為美。有黃凝結

兩眼血紅。因內熱氣熏蒸。無時鳴吼。飲水亦好急以盆盛。棧外引

之欲飲不能。渴甚必自吐來。伺者喝迫便墮。此生黃者衍義云。喝迫而得者

乃名價類黃金。暗室陰乾。思見日月光成於百日。輕虛重疊。可揭。臭氣

息微香。又等犁牛黃。堅而不香狀若鷄卵。黃同。摩指甲竟透。凡遇賣者。亦此

辯真。○再有角黃。心黃。肝膽黃。各從所得為名。殺剖間或亦有人

得者多。係此黃。初如漿汁。取得便投水。功力雖次。亦可代克惡龍。古水乃硬如碎。皂角子是也。

牛龍膽地黃畏蜚牛豚乾漆忌常山勿用使人參相宜惟入肝

經專除筋病療小兒諸癇驚吊客忤口噤不開治大人癲狂發痊

中風痰壅不語除邪逐鬼定魄安魂更得牡丹菖蒲又能聰耳明

目孕婦忌服能墮胎元牛角鯁係角杪尖用燒灰存性磁鉢內搗

末絕細調熱酒下咽治閉血瘀血作疼血崩亦治除赤帶白帶下

漏冷痢兼除吐衄諸般用之總效水牛角味苦冷時疫頭痛惟宜

鼻炙理口眼喎斜貼好邊牽正斜左貼右斜右貼左作羹調乳汁短少吞天

曉潤通腎補腎氣益精肝助肝血明目肺止欬逆心主虛忘膽益

睛眸兼滋唇口焦燥肉養肌肉能使中氣發生小腸大腸廣腸並

厚各腸除腸風痔漏血脾百葉草猪俱健脾胃免飲積食傷牛莖

塞帶漏結胎牛腦卻風癰止渴髓益氣以禁洩痢又和地黃白蜜

各等分平三焦安五臟治瘦怯補中乳養血而補虛羸仍造酪酥

醍醐乳成酪酪成酥酥成醍醐色黃白除肺痿止吐衄潤毛髮

嗽乳腐即乳利十二經脉通大小便難懸蹄去一切熱風止赤白

漏下血補身血枯涸齒療小兒牛癰耳中垢可敷蛇傷口中涎專

主翻胃小兒不能行步臍中毛可煎嘗鼻中木卷燒灰草卷鼻下

生瘡敷妙口中齡草絞汁喉中噎逆服佳瀉飲消水腫如神從尿

管利出尿燔塗鼠瘦最驗愈灸瘡尤奇黃犢臍尿檢來燒搗細末

暴驚九竅血出水服立差○敗鼓皮是牛皮者勿吝收貯誅蠱毒

為蠱脹部絕妙神丹其方用鼓皮廣五寸長一尺薺薇根五寸如

升全熬二升服之當下蠱出而愈足拇指大或云是黃芩根剉以水一升酒三

謨按丹溪云牛坤土也黃土之色也以順為性而效法乎乾以

為功者牡之用也故凡暴發邪盛之病諸肉皆忌惟牛肉獨不

忌者因其能補耳為勝爾蓋人身以脾胃為本脾胃屬土此



能補之亦各從其類也。又獨肝者食之殺人不可不識。

# 牛



## 驢尿

處處有。河南多。似馬類耳長。逢五更嘶叫。鹿不駮。故稱曰蹇。色弗一。只取其烏背。能負重趨程。尿堪入藥。拯病不拘乾濕。惟用合宜。熨風腫癭瘡。主癥癖反胃。牙痛立止。水腫專醫。牝驢尿治燥水殊功。駮驢尿治濕水神效。以指畫體成字跡者。知肉為燥。水不成字跡者。知肉為濕。水也。一服五合。並記勿差。尿汁埋心腹卒疼。併疰忤。當見尿溺。浸蜘蛛咬毒。及噎隔宜求頭熬汁。漸嘗。解纏久消渴。骨蒸湯頓浴。去歷節痛。

一毛炒黃。多漬酒吞。諸頭風悉逐。皮熬膠。亦和酒飲。各風毒咸。治

鼻洪吐血。崩中帶下。血痢疫癘等證。脂療多般。只宜生用。和生椒末。搗綿裹塞耳。俾

積年聾證。轉聰。同烏梅肉丸水送下。喉令多年瘡疾。竟截。拌鹽敷

愈瘡疥。攪酒服。退頂上肉。性微寒。啖食宜少。雖解心煩。而安心氣。

防發痲疾。以動風淫。乳性冷利。味甘。誠療小兒諸恙。除天吊客忤。

止赤痢驚癇。蜒蚰入兩耳中。用之灌入。即化。又尾下軸垢。治瘡發

無期。水洗汁一杯。麩和作兩餅。如燒餅樣熟者。未發前。先食其一。至發時

再食。鞣完。物雖甚微。功亦屢奏。

# 驢



阿膠 味甘辛。氣平。不溫。味薄。氣厚。并也。陽也。無毒。汲東阿井水。

東阿縣屬山東兗州府。井在城北。用純黑驢皮。諸膠多係牛皮熬成。惟此用驢皮耳。鹿角一片後加文

火漸進熬就。設官監禁。最難得真。凡覓拯病。不可不試。真者質脆。

音翠。易斷。明澈如冰。假者質軟難敲。枯黯似墨。製之宜剉薄片。蛤粉

和炒成珠。入劑不煎。研末調化。藥煎熟時。傾淨渣滓。將未投內。自然烱化。使山藥畏大

黃。入太陰肺經。及肝腎二臟。風淫木旺。遍疼延肢。體能毆火。盛金

虛。久欬唾膿血。即補養血。止吐衄崩帶。益氣扶羸。瘦勞傷。利便閉。

調猪苓湯吞。禁胎漏。加四物湯服。定喘促。同款冬。紫苑。止瀉痢。和

蜜蠟黃連。安胎養肝。堅骨滋腎。

謨按煎膠用皮。取其發散。皮膚外也。匪特此膠為然。諸膠牛皮

熬者。亦苦能之。仍擇烏色。如用烏鷄子。烏蛇之類。物雖治風。然

更取其烏黑屬水。蓋以制其熱。則生風之義。東阿井水。乃係水

水所注。性急下趨。清而且重。用之前煮。攪濁澄清。服之者。能去

濁汗。以及逆上痰也。

### 阿井



阿膠

### 猪膚

味甘。氣微寒。無毒。猪養甚多。擇健猪中。遍身純黑色者。纔妙。

膚論弗一。係燔猪時。附皮薄黑膚者為真。先哲嘗言。淺膚之義。禮

韻疏曰。膚革外薄皮。膚內厚皮。亦指此也。湯液云。猪為水畜之流。

猪之性能水收。猪之所必擇水草之交。故曰水畜也。其氣必先入腎。少陰客熱。惟此解之。仲

景製猪膚湯。深義蓋本諸此。加白蜜。潤燥除煩。和白粉。益氣斷痢。亦出猪卵。即雙單。亦小兒驚悸癩癩。毆大人鬼疰。蠱毒。療五癰。

導維治寒熱黃豚下傷捷潰瘍更下乳汁懸蹄去懸癰內蝕

仍理痔瘡心托心氣鎮驚脾主脾傷除熱肺食多補肺且治肺欬

連聲得火麻若共白花菜煮嘗緊防滯氣肥食多損陽亦治肺脹

喘急欲練繒絹帛潔淨必用合膏膽中汁納穀道通便解傷寒熱

渴心內血初剖猪腹取出時丸諸藥養血安神丸禁邪夢紛紜舌

煮濃湯益元陽健脾進食肝炙燥熱納陰戶止癢引蟲不次細入

出而痒腎止腰疼古方煨腎散可觀脂扶胃弱新刊蓮脂丸須知

肉多食令人虛肥動風動痰亦速仍閉血脉損筋骨勿謂無妨乳

頻進使人潤澤生精生血可知更禁猪癩除天吊勝風撮誠為有

益乳頭煮啖卻鬼毒及寒熱五癰牙齒燒灰鎮驚風併蛇蟲傷啣

肪膏利血脉解風熱潤肺脂油悅皮膚塗瘡疥殺蟲腦髓治頭眩

腦鳴鬢膏墜髮落鬢禿大腸臟搗連殼丸內黃連酒煮十兩枳殼

七寸入水浸粳米能消內痔益腸吞骨髓入補陰丸中可助真陰

生髓血補中風眩暈黃豚暴氣海外瘴氣齊毆尿消中濕腫黃天

行疫毒腹脹蠱毒並解耳中垢亦有驗能敷蟲啣蛇傷猪窠草止

小兒客忤夜啼安席下勿令母見擗猪湯理產婦血刺心痛飲腹

內何懼證危

謹按猪飼養甚多蓋圖生息繁食物寡容易長大人啖食弗厭

乃嗜脂膏盛筋膜少不勝滑肥本經欵中戒勿多食是又有所

據也丹溪云猪肉惟補氣補氣即補陽人身中陽常有餘陰常

不足凡患虛損證者俱屬陰虛謂多食肉能補是猶以火濟火

反助有餘愈損不足安能保長壽哉何者肉性本熱入胃則熱

便作熱作則痰生痰生則氣不升降諸證之至豈有已耶子每

心患外感者食豈曾劇患瘡者食之寒熱復來患金瘡食

之血液衰涸。肥多食動風發痰。瘦人多食助火作熱。是皆助其有餘之邪。而犯不戒之躓也。孔子曰。肉雖多。不使勝食氣。聖人亦此戒人。豈無意歟。

### 猪



### 野猪黃

味辛甘。氣平。無毒。種雖山畜。形類家猪。但毛褶口露。獠牙。腹小足奔。長步為異。爾凡及三歲。膽內有黃狀。與棗核相侔。得之摩水可服。療小兒客忤天吊。疝脹亦效。主大人鬼疰癩癩。金瘡。總愈。膏和酒立通乳汁。服十朝。可供三四嬰孩。肉作羹。唯者峻補。

膚食半月。令人一身虛胖。齒去蛇蟲咬毒立效。燒研服之。膽除煩

熱邪氣殊功。取汁嚥下。脂油悅顏色。併敷風腫疥癬。通乳亦能。

陳者外腎止帶崩。仍治血痢腸風。須燒存性。研細調米飲下。○毫猪號為

剛鬃。其種自孕而生。故曰厥體兼資。自為牝牡者是也。頸上如笈大毫。白而端黑。

長七八寸。入肉處僅二三分。中間怒則激去射物。恃此為能。人以白處常隱而不見。但見其黑鬃耳。

出類竒之。故借毫取名也。肉多膏味亦甘美。煮作饌。食勿過飽。能

利大便。仍發風氣。脂誠要藥。醫者宜求。烘燥燒灰。和脂屎共研作

末。分勻調酒。每空心頓服二錢。能毆酒疸。目黃。專消水腫。腹脹。熱

張易効。冷脹難瘳。蓋此猪日食苦參。致屎性大冷。故爾。○江猪產

於江內。味酸性氣平溫。捕者得來。肉堪作舖。入口略慎。勿多啖。體有腥氣。

重難當。脂和五味煮濃。取汁頓飲。亦健脾胃進食。仍補虛羸。

野豬



熊脂

味甘氣微寒。一云微溫無毒出雍洛河東及懷衛山谷形肥

盛類豕

狀貌亦與豕同

性輕捷過猿暖日向高木攀援見人反顛倒投下

寒冬入深穴藏蟄克饑舐自掌為食其性惡鹽食之即死壽經五

百歲能化狐狸獺遊欲得之須發弩箭但資治病宜製精詳臚如

玉在熊當心一名熊白

或云腹中昉他處脂通共為是

釜中煉去脂革滓務如生

椒

雷公云每脂一斤入生椒十粒人畢去滓脂革滓並椒

磁罐貯收紙封待用

臘月得者堪留去頭

瘍白禿及面疔癩主風痺不仁併筋攣急腸胃積聚堪卻肢體

瘦能肥久服強志強心且令不饑不老但有痼疾不宜食之食日

終身不能除矣膽味極苦不附于肝春頭上夏移腹中秋足左冬

遷足右依四時搜檢懸風際陰乾塊凝明亮如膠性惡地黃防已

遇賣者真偽難別研試水優劣使知取塵先封水皮將末繼投塵

上塵竟兩邊分裂末則一線迅行如線不散此品極優須研絕細任為

丸散勿用煎湯治男婦時氣熱蒸變為黃疸療小兒風痰壅塞發

出驚癇毆五疔殺蟲敷惡瘡散毒痔病久發不愈塗之立建奇功

肉無毒味甘膾腊可食

如常法調和作之

主積聚寒熱痼疾卻筋骨麻痺

風邪掌乃珍饈臠之難熟得酒醋水三件同煮久則臚脹大如皮

毬主治之能風寒堪禦血主小兒客忤膏理歷節風疼腦髓作油

搽頭亦去白禿風屑止頭旋髮落除耳聾耳鳴

講誤

按熊一身味一毛皆積聚于掌觀其冬蟄不食饑惟自舐則

可見矣。無惟世人重以爲珍饈。孟子亦曰。舍魚而取熊掌。非美之極。肯此云乎。但所治病。僅禦風寒。餘別無一載者。悅口之易。卻疾之難於此亦可徵也。

熊



鹿茸

味甘咸。又云苦辛。氣溫無毒。山林俱各有生。捕獲亦堪馴養。

小者名鹿人者名麋茸。欲取待角將生時。繩先繫致血不耗散。陰

乾多臭。火乾纔宜。小若紫茄。名茄。恐血氣嫩未全具。堅如朽木。是

氣血反老衰殘。二者俱不足為美藥也。如琥珀紅潤者為佳。仍擇似馬鞍岐

矮者益善。見勿鯁氣。茸中有小白蟲。防入鼻也。製急燎毛。烈火焙中急燎之。防傷茸也。破開

地黃白蜜熬膏

補片以滋腎元任作酒煮粥兩用肉強五臟益

力貼口嚼僻如神

切生肉片右患貼左左患貼右正則去之

煮食之依時按令

九月份前

不可食餘也

骨下膈氣安胎殺鬼精物立應服不厭耐老延年頭肉

解消渴上焦蹄肉止風痛下踝筋續絕傷勞損脂主癰腫死肌血

調血脉止腰疼酒調生服齒理鼠瘻攻瘡毒小摩濕塗○又種麋

茸係鹿大者功力尤勝醫者須知取分優劣同前製造丸散依式

但性熱具專補陽多本經亦云麋茸補陽性熱鹿茸補陰性溫略

此差耳骨軟可健莖痿能扶麋脂性畏大黃近陰令陰不痿

本經云不

可近陰令痿此大錯悞

因多淫性故易舉與主風寒濕痺筋攣理腫癰惡毒

肌死仍通腠理更滑皮膚角熬猶勝白膠因力較鹿更緊填精髓

煖腰膝益血脉悅顏容漿水中研爛如沉敷面皮不皺醇酒內取

末調飲入心脫止疼骨煎汁飲除虛勞肉作補啖益中氣

謨

按蘇東坡云補陽以鹿角為勝補陰以麋角為勝蓋鹿陽獸

多在山夏至鹿角解從陽退之象麋陰獸多在澤冬至麋角解

從陰退之象陰陽相反如此故曰鹿茸利補陽麋茸利補陰今

麋鹿不分但云麋勝鹿鹿勝麋始疎失矣又有刺麋鹿血以代

茸云茸亦血耳尤大誤也麋鹿角自生至堅無兩月久大者二

十餘斤其堅如石凡骨角之類生長無速于此雖草木之易生

者亦無能及之此骨之至強者所以能補骨血堅陽道強骨髓

豈可與血為比哉據東坡此言似甚有高見但指兩角所補較

前經意大違本經言鹿補陰麋補陽以二至日節氣所進者為

云東坡言鹿補陽麋補陰以二至日節氣所退者為義故讀者

不免啓兩端之疑猶必求歸一之說也愚嘗忖度陽剛而有餘

套柔而不足鹿一類者麋體大而剛強非有餘屬陽

乎。鹿體小而柔易，非不足屬陰乎。正猶男人氣體多剛，大女人氣體多柔，小是也。陽能補陽，陰能補陰，此理自然，不可易者。今東坡引多在山，多在澤，而為陽獸，陰獸之分，執此為是，則猪亦水畜，當為陰獸。丹溪何言其肉專補陽？諄諄以為陰虛者戒耶。凡攝生家欲資兩角分補者，須宗本經之文，以為世準的也。又按淮南子曰：孕婦見兔而子缺唇，見麋而子四目，物有自然，而似不然者。麋有四目，其二夜目也。古謂目下有竅，夜能視物者是爾。

### 鹿茸



### 犀角

味苦酸鹹，一云辛甘。氣寒無毒。黔蜀雖生，南海為上。首類。

頂僅一角。

或云犀有二角，一在額上者為兕犀，一在鼻腹若牛，足者為胡帽犀，牯犀亦有之，但一角者居多。

每三蹄，其皮一孔三毛，色黑好食棘菜，有水陸。

水犀陸犀，係各種類分。

貴賤悉以粟紋。

犀數種俱有粟紋，乃取紋之精，麋以為貴賤也。

通天犀角獨優，紋現百物。

纔是。

其犀胎時見天上物，命過並形于角，故云。通天犀角，知通天矣。

此犀日飲濁水，惡

照影形。海人設法捕求，沿插棧木，犀來往倚木，少憇，木折損，犀亦

倒地，足直。

前足直，不能屈，難竟起走。捕者由是獲擒，取角售人，為世至寶。

置米中，鷄駭。

亦名駭鷄犀。

掛簷際，烏驚，縛足過澗，水自開，簪髻曉行，露

不惹，飲饌毒能試。

投肉白沫，呷起則有毒，否則無毒也。

屋舍塵可除。

昔石保吉官陳州，悉毀舊廨，欲

新之，見風塵輒自分去，人以燬照，莫測深潭，盡見水底怪物，見晉怪疑，不知腰繫碎塵犀帶也。

傳造器者，煮熟弗効，採新者，性烈方佳，錯屑鋸杪尖，紙裹懷中，先

包，沾人氣，則易鳴。

選黑色，擇肌，麓皺潤光，使松脂，經入陽明。



惡雷丸。尤忌鹽醬。俱忌。殺鈎吻鳩羽蛇毒。山谷溪毒百毒皆除。辟  
屍疰鬼疰惡邪。狐魅精邪。諸邪盡遣。傷寒溫疫。能解熱煩。瘡腫癰  
疽。專破膿血。鎮肝明目。安心定神。孕婦忌之。因消胎氣。牯犀角有  
小毒。多作撒豆斑紋。爲帶繫腰。色深炫目。化腫癰膿。血成水。退時  
熱煩。悶發狂。風毒竟。毆心神亦鎮。邪精鬼魅。悉卻難侵。特犀角乃  
甚良。斑白分明細膩。因紋不雜。又謂斑犀。造器惟堪。克藥不及鼻  
角。治病爲上。氣味無毒。大寒。攻心下。牝耗熱煩。除腸中赤白洩痢。  
中惡中毒。俱治風癰風腫。總醫肉味。甘溫。功劣于角。啖過多。腹易  
煩脹。麝香少許和入山林。路不失迷。療惡蛇咬傷。及血痢痔瘻。毆  
海外瘴氣。併蠱疰精邪。

護按丹溪云。犀角屬陽。其性走散。比諸角尤甚。習俗痘瘡後多  
用以散餘毒。若無餘毒。或血虛。或有燥熱發者。用之禍不旋踵。

又云。鹿取茸。犀取尖。以力之精銳在是。匪此爲然。諸角取尖。但  
相同也。第一卷升麻款後按宜參看。

犀牛



殺羊角

殺音

味鹹。苦氣溫。微寒。無毒。近道各處俱生。陝西河東獨盛。

種多白色。惟克庖厨。藥宜青紙。乃獲効驗。其或獨生一角。又等白  
身黑頭。有毒中藏。全禁勿啖。鹵莽誤犯。卽生腸癰。膏梁之家。不可  
不識。角取勿先中濕。濕則有毒損人。鋸杪尖燒灰。務令存性。調熱  
酒吞服。使宜菟絲。上調榮。安神益衛。邵驚悸。解蠱毒。禁冷瀉。殺

疥蟲治小兒發熱。疳牙痛。婦人產後餘痛。取百節中結氣。逐兩眼內青盲。山瘴溪毒。竝祛。虎狼蛇虺。齊碎。肉甘大熱。專補形骸。主勞傷。臟氣虛寒。理風疝。肌肉黃瘦。開胃且止吐食。益腎不致痿陽。孕婦及水腫暴來。禁勿入口。骨蒸併瘡。疾方愈。忌莫沾唇。儻煮入醬和之。生癩仍發。痼疾。諺云羊不醬由此也又筋膜中珠子。食亦令人癩。癩蹄肉雖微。補水甚捷。水腫啖者。百不一瘳。頭涼治癆熱。骨蒸及風疝疫病。發寒宜禁。發熱宜飧。脂潤去遊風黑點。併疰病傳屍。入金可柔。入銅可軟。腎益腎。理精枯陽敗。同乳粉極靈。羊腎一箇。煮熟和煉成乳粉。五錢。空腹食。心補心。主憂恚氣疼。有孔者勿食。有毒。殺人。肝療肝風。虛熱致眼淚。凝眵。肺治肺虛。欬痰。及小便頻數。脛骨固牙齒疎。豁易動。青鹽略加。即固牙散。脊骨匡腰。脊轉側不能。蒜莖微入。齒燒灰。逐小兒羊癩寒熱皮。作臙。疎大人脚膝。虛風膽。解蠱毒。殊功。開青盲明目。脂。

虛汗速効。補虛怯。健脾胃。血取生飲。下喉。砒毒。硫黃毒。竝解。毛用。炒裹脚。踝痛。轉筋。痛齊除。骨髓煮酒。嘗滋陰。虛血脉可利。腦髓和酒服。迷心竅。中風便來。擠乳汁。潤心肺。解消渴。補寒冷。虛乏。造酪酥。益五臟。利腸胃。療口舌瘡。湯屎。曝燒煙。亦堪兩用。熏瘡。卻痔瘻。諸瘡熱毒。熏鼻。去中惡心。腹刺疼。

羖羊角



謹按十劑云。補可以去弱。人參羊肉之屬是也。夫人參補氣在。中羊肉補形在。有之名雖一。補之實則殊。凡患虛羸之人。當

分用之不可泥一也

羚羊角 味鹹苦。氣寒無毒。形類羊。色青頗大。角多節勁銳猶長。甚

勁長一八節種生川蜀山林。夜宿角掛樹上。獵犬追捕亦多獲。密蹙蹙旋繞

之。虜人常以貨錢。州郡亦每克貢。入藥拯病。鋸角取尖。認彎蹙處。

有掛痕深入者纔真。聽人耳邊似響聲微出者尤妙。如節疎無掛

者並山羊山驢角亦往往摩或搗末少加蜜服。或錯屑共投水煎。成痕跡欺人之利不可不察

專走肝經。因性屬木。嘗加紫雪。仲景傷寒方名為味苦寒。解傷寒寒熱在

於肌膚。散溫風。注毒伏於骨肉。安心氣除魘寐驚夢。狂越釋邪氣。

辟蠱毒惡鬼不祥。退小兒卒熱發搐驚癇。毆產婦敗血衝心煩悶。

去惡血注下。治食噎不通。明目益氣輕身。強陰健筋。堅骨肉。和五

味子同炒投酒。能逐中風証。筋骨急強。南人食之。免致蛇啣。

### 羚羊角



牡狗陰莖 味鹹。氣平。無毒。大者狗喚。小者犬稱。煮啖尚色黃。入藥

取毛白。六月上伏。將莖刮收。文火烘乾。方不臭腐。專助房術。又名

狗精。堅舉男子陽莖。兩三時不痿。禁止婦人帶漏。十二疾咸瘳。膽

汁敷。痂瘍惡瘡。自疼可點。兩背熱血。治發狂癲疾。鬼擊可塗遍身。

腦主頭風。併瘧肉塞鼻。齒療客忤。及風癆盈肌。心主憂志。氣除邪

腎理產勞熱。如瘧肝毆。刺下刮痛。調稀粥。任加醬與鹽。乳點眼。久

青膏。擇狗雛未開。下。反。狗雛日開。項骨止諸瘡。血出。懸蹄通兩

狗雛日開項骨止諸瘡血出懸蹄通兩

乳汁流肉味鹹酸利溫熱安五臟益氣力壯陽道補絕傷同蒜  
 食損人若炙食作渴孕婦入口生子缺唇九月下咽傷神損氣陰  
 虛火動尤甚禁之骨煑粥補虛令婦人結孕頷下骨去驚癇抽搐  
 尿中骨禁寒熱往來尿曝燒灰塗瘰疽止癢猪脂調末敷疔腫根  
按丹溪云人身之虛皆陰虛也陰虛則陽必亢不此為補寧  
 不助火以添病耶世俗言其大治虛損似指人虛議治殊不知  
 悉屬陰虛若陽果虛損死甚不難雖有敏者亦難措手豈此之  
 能補乎今人每每信之而啖之多者是皆泥乎習俗之說也

牡狗陰莖



狐陰莖

味甘氣微寒有毒江南雖生京洛尤盛形類黃狗尾大  
 尖心多疑渡河水輒聽口善媚禮北斗而靈能為妖魅迷人由古  
 淫婦所化其名阿紫至今自稱獵犬追尋亦能捕獲醫方所用雄  
 者為佳刮取陰莖烘研酒下主婦人絕產陰癢治小兒卵腫陰癩  
 肉無毒氣溫任煮炙日食愈瘡疥補虛羸卻驚癇歐蠱毒去五臟  
 積冷邪氣除精神恍惚亂言膽主暴亡溫水微研嚥入肝治風疾  
 燒灰以酒調吞五臟及腸療蠱毒兼療牛疫頭尾併糞碎邪惡且  
 辟春瘟腋下皮毛純白作冬裘輕柔難得狐白裘即此口中涎液  
 合媚藥合接易成以小口罐盛肉置狐所常經處狐見肉欲啖爪  
不能入徘徊不捨涎皆入罐中故得取為媚藥  
 ○又種名狸是亦狐類但狐口銳尾大其狸口方身文此種甚多  
 須知選擇如猫斑者劣似虎斑者優入方劑取骨炙研水調治諸  
 疰毒氣在皮刺膏云在風惡毒止心氣走疼同雄麝雄黃麝香丸治痔

瘦死。匹骨治鯁。尸。吐肌肉療諸疰亦宜。陰莖。適月水誠驗。尿  
主寒熱瘟瘧。收宜五月端陽。

### 狐



麝香 味辛氣溫無毒。陝西各山谷俱生。文州諸蠻中尤盛。形類獐  
略小。香結臍近陰。凡臍閉滿之時。自將蹄尖剔出所落之處。草木  
焦黃。一名遺香。性甚辛烈。人若檢得。價同明珠。蛇蛻包藏。香滿不  
泄。日常噉蛇為食。是則又相使焉。市家但得臍囊。毋研荔枝攪賣。  
當門子粒。亦係造成。欲的實求真。必親目見。剖勿近火。日磁鉢細  
搗。辟蛇虺。誅虻蟲。蠱注。癩症。總卻。殺鬼精。敗疫瘴。脹急痞滿。咸濟。

催生墮胎。通關利竅。除恍惚驚怖。鎮心安神。療癰腫瘡疽。蝕膿  
血。吐風痰。不夢寤。魘寐。點目疾。去腎膜。淚眵。肉似獐肉。微腥。食之  
不畏蛇毒。惟忌葫蒜。亦宜知之。

### 郢州麝香



獺肝 味甘有毒。一云平鹹微熱無毒。一云惟肝性溫。餘皆性寒。一  
名水狗。多產江湖。常居深水。食魚。亦登大木。憇息。故附獸列。欲捕  
不難。性偏嗜猫。先畫板誘引。待來聚玩。魃用網誅擒。肝與諸畜大  
殊。逐月生出一葉。十二數足。漸落復生。凡欲得真。必須見剖。或炙  
熟。旋煖。或燒木。兩。病傳屍。一門相染者。悉効。產勞發熱。三時

虛汗者殊功。上。身。刻。嗽。堪。除。鬼。毒。瘟。癘。能。遣。崔。氏。方。嘗。療。蠱。疫。伸。景。劑。每。治。冷。勞。卻。魚。鯁。喉。中。消。水。脹。腹。內。肉。主。時。行。瘟。疫。及。牛。馬。病。煮。汁。嚥。良。骨。止。嘔。噦。惡。心。併。魚。骨。鯁。燒。灰。調。下。腎。煨。熟。啖。益。男。子。髓。為。膏。敷。滅。癩。痕。膽。汁。點。目。睛。卽。止。痛。剔。除。腎。膜。謂。分。盃。中。之。酒。誠。係。訛。傳。但。塗。盃。唇。可。使。高。一。分。酒。勢。皮。毛。飾。領。袖。北方人多用飾毳服領。善。辟。邪。遮。禦。風。寒。云。拭。眼。睫。之。羸。未。為。異。事。惟。穿。身。上。不。沾。受。半。點。灰。塵。足。爪。頸。下。爬。之。亦。去。魚。鯁。甚。驗。手。足。皸。裂。煎。服。更。良。

# 獺



膾。胸。臍。味。鹹。氣。大。熱。無。毒。惟。生。東。海。傍。俗。疑。海。狗。腎。狀。類。腎。囊。古。者。仍。兩。畢。丸。粘。聯。或。又。指。形。體。係。獸。係。魚。俱。未。據。的。見。立。言。立。說。由。此。真。偽。莫。別。只。憑。試。驗。纔。知。投。睡。熟。犬。邊。犬。或。驚。狂。跳。起。置。寒。凍。水。內。水。因。溫。暖。不。冰。得此驗者真也酒。漬。透。炙。乾。氣。馨。香。勿。嗅。搗。成。細。末。任。合。散。丸。療。疝。痔。疝。羸。併。脾。胃。勞。極。破。宿。血。結。聚。及。腰。膝。寒。痠。辟。鬼。氣。禁。夢。與。鬼。交。逐。魅。邪。止。睡。被。魅。魘。除。冷。積。益。元。陽。堅。舉。陽。管。不。衰。誠。助。房。術。取。樂。

# 膾。胸。臍



鯪魚甲

氣微寒

於陵。加鯪因鱗色若鯪。俗醫不知字義。竟以穿山甲稱。水陸並能。

食蟻有法。在岸則開之不動如死。從蟻入滿。緊入藥用甲剉碎。少

和蛤粉炒黃。用去粉主五邪鬼魅驚啼悲傷。療蟻癩惡瘡疥癬痔漏。

或研細酒水調服。或燒灰脂油拌敷。同木通自然銅搗末酒調。治

吹妳腫痛。同蝟皮豆蔻仁為末湯下。止氣痔來膿。又能破暑結之

瘡邪。總因穿經絡于榮分。

鯪魚甲



蝟皮

味苦。氣平。無毒。一云味甘。有小毒。形賦與獮音。牠音相類。

養各山谷。短足慢行。人見則頭足便藏。圓軛如栗房。擗毛外刺。捕

者欲執。溺之即開。取皮毛燒灰。調熱酒吞下。所畏二藥。桔梗麥門。

主五痔血流大腸。理諸疝痛。引小腹。治胃逆。開胃氣。殊功。塞鼻衄。

消鼻痔立効。腹脹痛可止。陰腫痛能祛。肉啖之易肥。仍理中。令人

能食。骨食之則瘦。更縮筋致足難伸。脂注耳竅。久聾。膽治鷹食成

病。

蝟皮



見頭骨

味甘。氣平。無毒。深林空谷處處有之。孕視月光結成子。從

口內吐出。性狡。形極圓。壽歷千年。毛變白色。此得金氣全具。用入藥劑最佳。頭骨下妊娠癩疾頭眩痛可止。頭皮敷鼠瘦鬼疰皮刺疼能祛。肉味辛平。為食上品。春夏全忌。秋冬啖宜。主濕痺熱蒸壓丹石燥發。補中益氣。止渴健脾。孕婦戒勿下咽。生子缺唇。屢驗。肝除目暗。膏通耳聾。腦塗皸裂凍瘡。毛敷鼻爛痘疱尿曝亦堪煎汁。玩月砂素傳名。療痘生眼內成瘡。痔發腸頭下血並可服之。皮曬連毛燒灰。搗細調均熱酒。理產後胞衣不下餘血。捨心幾危。須急飲也。

兔



終



